



**სსიპ საქართველოს ადვოკატთა ასოციაციის
შეზღუდული შესაძლებლობის მქონე პირთა უფლებების
დაცვის
სამოქმედო გეგმა**

2021

სარჩევი

შესავალი	3
სიტუაციური ანალიზი	3
საქართველოს ადვოკატთა ასოციაციის მიერ უკანასკნელი 3 წლის განმავლობაში გატარებული ღონისძიებები.....	4
მიზნები და ამოცანები.....	5
მონიტორინგი და ანგარიშგება.....	8

შესავალი

წინამდებარე დოკუმენტი წარმოედგენს სსიპ საქართველოს ადვოკატთა ასოციაციის შეზღუდული შესაძლებლობის მქონე (შშმ) პირთა უფლებების დაცვის სამოქმედო გეგმას 2021 წლისათვის.

დოკუმენტის შემუშავების მიზანია, „შეზღუდული შესაძლებლობების მქონე პირთა უფლებების შესახებ“ გაერო-ს კონვენციასა და „შეზღუდული შესაძლებლობის მქონე პირთა უფლებების შესახებ“ საქართველოს კანონზე დაყრდნობით, გამოკვეთოს პრიორიტეტული საკითხები, რომელთა აღსურლების განხორციელება დაიწყება 2021 წლის სექტემბრიდან და რაც, თავის მხრივ, ხელს შეუწყობს შეზღუდული შესაძლებლობის მქონე პირთა უფლებების ეფექტიან დაცვას, შშმ პირთა ინტეგრაციას საზოგადოებაში, მათთვის თანაბარი შესაძლებლობების უზრუნველყოფასა და საზოგადოებაში არსებული სტერეოტიპული წარმოდგენების დაძლევას.

წინამდებარე დოკუმენტი დამტკიცებულია, სსიპ საქართველოს ადვოკატთა ასოციაციის აღმასრულებელი საბჭოს 2021 წლის 02 აგვისტოს გადაწყვეტილებით.

სიტუაციური ანალიზი

სამოქმედო გეგმის შედგენა, ერთი მხრივ, დაეყრდნო ისეთ საერთაშორისო ჩარჩო დოკუმენტებს, როგორცაა გაეროს კონვენცია „შეზღუდული შესაძლებლობების მქონე პირთა უფლებების შესახებ“, ხოლო მეორე მხრივ, ეროვნულ კანონმდებლობას, როგორცაა საქართველოს კონსტიტუცია და საქართველოს კანონი „შეზღუდული შესაძლებლობის მქონე პირთა უფლებების შესახებ“.

საქართველოს ადვოკატთა ასოციაცია, რომლის ერთ-ერთ მნიშვნელოვან მიზანსაც წარმოადგენს ხარისხიანი და სანდო მართლმსაჯულების სისტემის დამკვიდრების ხელშეწყობა, ქმედითი ნაბიჯების გადადგმით კისრულობს პოზიტიურ ვალდებულებას წვლილი შეიტანოს შშმ პირების უფლებრივი მდგომარეობის, მათი დამოუკიდებელი ცხოვრების ხარისხის გაუმჯობესებაში და ამასთან, ხელი შეუწყოს სამართალწარმოების განხორციელების პროცესში შშმ პირების ხელშეწყობას.

საქართველოს ადვოკატთა ასოციაციის მიერ უკანასკნელი 3 წლის განმავლობაში გატარებული ღონისძიებები

I. საქართველოს ადვოკატთა ასოციაციის მიერ, უკანასკნელი 3 წლის განმავლობაში გატარებული ღონისძიებები, რომლებიც შშმ პირთა უფლებების დაცვას, სერვისებზე მისაწვდომობის გაუმჯობესებას და შშმ პირებისთვის უკეთესი გარემოს შექმნას ისახავდა მიზნად წარმოადგენს 2 წლიანი უფასო იურიდიული დახმარების (პრო ბონო) პროექტი, რომლის განხორციელებაც ასოციაციამ 2018 წლიდან დაიწყო „ღია საზოგადოების ფონდის“ მხარდაჭერით.

განხორციელებული პროექტი¹ მიზნად ისახავდა შეზღუდული შესაძლებლობების მქონე პირებისა და პალატიური მზრუნველობის საჭიროების მქონე პაციენტებისათვის უფასო იურიდიული მომსახურების გაწევას.

➤ პროექტის ფარგლებში ადვოკატების მიერ განხორციელებული საქმიანობის აღწერა:

- შშმ პირებისთვის და პალატიური მზრუნველობის საჭიროების მქონე პაციენტებისთვის იურიდიული კონსულტაციების გაწევა;
- სასამართლო დავებზე შშმ პირების და პალატიური მზრუნველობის ქვეშ მყოფი პაციენტების ინტერესების დაცვა;
- სხვა იურიდიული ხასიათის მოქმედებები შშმ პირების და პალატიური მზრუნველობის ქვეშ მყოფი პაციენტების უფლებების დასაცავად.

II. საქართველოს ადვოკატთა ასოციაციის მიერ, კანონის უზენაესობის მხარდაჭერის პროგრამასთან (USAID-PROLoG) თანამშრომლობის ფარგლებში, ადვოკატთა საკვალიფიკაციო გამოცდის პორტალში განხორციელდა ცვლილება. კერძოდ, არსებულ პორტალს დაემატა და დაინერგა შეზღუდული შესაძლებლობების მქონე პირთათვის (უსინათლო და მცირე მხედველობის მქონე) ადაპტირებული ვერსია. ადვოკატთა საკვალიფიკაციო გამოცდა განახლებული პორტალის საშუალებით პირველად 2019 წლის გაზაფხულზე ჩატარდა, აღნიშნული ფუნქციონალით უკვე ისარგებლა ორმა აპლიკანტმა.

¹ <https://bit.ly/379EHVV>

მიზნები და ამოცანები

წინამდებარე დოკუმენტის მიზანია, შეზღუდული შესაძლებლობის მქონე პირების უფლებების დაცვის მიმართულებით საერთაშორისო სტანდარტებთან მისადაგებული პოლიტიკის დანერგვა, მათ შორის შეზღუდული შესაძლებლობისა და სპეციალური საჭიროების მქონე პირთა ჩართულობის უზრუნველყოფა.

აღნიშნული ხედვის განსახორციელებლად, სამოქმედო გეგმის ფარგლებში გამოვლინდა 3 მიზანი, 3 ამოცანა და 6 აქტივობა.

ლოგიკურ ჩარჩოში მოცემული აქტივობები გაწერილია 2021 წელზე. მომდევნო წლებში განხორციელდება წინამდებარე დოკუმენტის გადახედვა და განახლება.

ლოგიკური ჩარჩო

მიზანი 1.	შეზღუდული შესაძლებლობების მქონე პირთა ეფექტიანი ხელმისაწვდომობა მართლმსაჯულებაზე, მათთვის საქართველოს კონსტიტუციით გარანტირებული დაცვის უფლებით სარგებლობის თანაბარი შესაძლებლობების უზრუნველყოფა, შეზღუდული შესაძლებლობების მქონე პირთა უფლებების დარღვევის ფაქტებზე დროული და ეფექტიანი ადვოკატირების განხორციელება.
ამოცანა 1.1.	სსიპ საქართველოს ადვოკატთა ასოციაციის წევრთა (ადვოკატები) ცოდნის გაღრმავება.
აქტივობა 1.1.1	შშმ პირთა უფლებების შესახებ სატრენინგო მოდულის შემუშავება.
აქტივობა 1.1.2	შშმ პირთა უფლებების შესახებ სატრენინგო მოდულის შესაბამისად, ტრენერთა ტრენინგის ჩატარება.
აქტივობა 1.1.3.	საქართველოს ადვოკატთა ასოციაციის სასწავლო ცენტრის მიერ, 2021 წლის სექტემბერ-დეკემბერში ადვოკატთა განგრძობადი იურიდიული განათლების ფარგლებში, შესაბამისი ტრენინგების ორგანიზება შეზღუდული შესაძლებლობების მქონე პირთა უფლებების შესახებ, მათ შორის მათი საჭიროებების უკეთ გაანალიზების მიზნით.
აქტივობის შედეგის ინდიკატორი	
ა) შექმნილია შშმ პირთა უფლებების შესახებ სატრენინგო მოდული. ბ) გადამზადებულია მინიმუმ 100 ადვოკატი.	დაფინანსების წყარო: სსიპ საქართველოს ადვოკატთა ასოციაციის ბიუჯეტი და დონორი ორგანიზაციების მხარდაჭერა.

მიზანი 2.	შეზღუდული შესაძლებლობების მქონე პირთათვის საქართველოს ადვოკატთა ასოციაციის მიერ განხორციელებული აქტივობების დაუბრკოლებელი მიღების ხელმისაწვდომობის გაზრდა.
ამოცანა 2.1.	სსიპ საქართველოს ადვოკატთა ასოციაციის ვებ გვერდის (www.gba.ge) ადაპტირება მცირემხედველი და უსინათლო პირებისათვის.
აქტივობა 2.1.1	ასოციაციის ვებ გვერდის ადაპტირებული ვერსიის არსებობისათვის ვებ გვერდის „გახმოვანება“ სპეციალური სოფტის მეშვეობით.
აქტივობის შედეგის ინდიკატორი	
ა) საქართველოს ადვოკატთა ასოციაციის ვებ გვერდი ადაპტირებულია/გახმოვანებულია.	დაფინანსების წყარო: სსიპ საქართველოს ადვოკატთა ასოციაციის ბიუჯეტი და დონორი ორგანიზაციების მხარდაჭერა.

მიზანი 3.	შეზღუდული შესაძლებლობების მქონე პირთათვის საქართველოს ადვოკატთა ასოციაციის მშენებარე შენობა-ნაგებობის (ახალი ოფისი) ადაპტირება.
ამოცანა 3.1.	საქართველოს ადვოკატთა ასოციაციის მშენებარე ოფისისა და სხვა ინფრასტრუქტურის უნივერსალური დიზაინის დანერგვა და აღნიშნულის გათვალისწინება პროექტირებისას.
აქტივობა 3.1.1	შემუშავებული უნივერსალური დიზაინის შესაბამისად, ადაპტირება შეზღუდული შესაძლებლობის მქონე პირთათვის დაწესებულების სრული მისაწვდომობის უზრუნველსაყოფად.
აქტივობა 3.1.2.	სპეციალური აღმნიშვნელი ნიშნების მოწყობა, რაც მარტივს გახდის შპმ პირთა ნავიგაციას ახალ შენობაში.
აქტივობის შედეგის ინდიკატორი	
ა) ასოციაციის ახალი ოფისის გარე პერიმეტრზე დაპროექტებული და აშენებულია პანდუსი ეტლით მოსარგებლებისთვის, რომელიც შიდა სივრცეს ყველასთვის თანაბრად ხელმისაწვდომს ხდის, მთავარ დარბაზში ეტლით გადაადგილება თავისუფლად შესაძლებელი.	დაფინანსების წყარო: სსიპ საქართველოს ადვოკატთა ასოციაციის ბიუჯეტი და დონორი ორგანიზაციების მხარდაჭერა

მონიტორინგი და ანგარიშგება

საქართველოს ადვოკატთა ასოციაციის მიერ, წინამდებარე სამოქმედო გეგმით გათვალისწინებული მიზნების, ამოცანებისა და აქტივობების განხორციელებაზე მონიტორინგსა და კონტროლს ახორციელებს ასოციაციის აღმასრულებელი საბჭო ადვოკატთა ასოციაციის აპარატისგან პერიოდული ანგარიშების მიღებითა და უშუალოდ განსახორციელებელი აქტივობების დაკვირვება/დათვალიერება/მონიტორინგის გზით.